



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

4. Sapientissimê Constituta, in terris, rerum omnium vicissitudo.

urn:nbn:de:hbz:466:1-45653

peros fabricatis : etiam si gigantes sitis, sidera tamen non expugnabitis : inania meditamini, ô reges terra & principes, qui conueniuntur
 unum aduersus Dominum & aduersus Christum eius. Non est enim
 in hominis potestate consilium Dei. Vestra potestas, in paucos annos
 durat, potestas eius in generationem & generationem. Potestas vestra
 iubere potest; illius potestas facere. Nam data est à Domino potes-
 tas vobis : ille à seipso habet potestatem, cui omnis potestas cedit;
quoniam magna potentia Dei solius. Itaque frustra filios vestros ab-
 sconditis, parentes, frustra in peregrinas terras mittitis, ut Deo
 subducatis. Frustra æmulos vestros, ô aulæ, dolo, ferro, veneno
 petitis; si illis diuina prouidentia regnum præparauit, digitulo uno
 non attingetis. Frustra vos, ô portæ Inferi, Ecclesiam impugna-
 tis: *Porta Inferi non præualebit aduersus eam.* Frustra vos, ô im-
 pij, pios monitores persequimini: *custodit Dominus animas Santorum suorum.* Potest eas, per tela, per ignes, per omnes machinatio-
 nes vestras, per mille discrimina, per Iordanes, per maria, per leo-
 nes, per caminos ignis ardentes, educere ad felicitatem. Aspera
 hæc quidem, sed, etiam per ambages, recta est via.

III.

In memoriam reducite alternas cum procellis vices, quas
 in historia paulo prius recitata audiuitis. Comes Palatinus pro-
 speritate extollitur: mox metu Cæsar is iterum deprimitur. Fu-
 git in siluam, & latebris gaudet: sed aduentu Cæsar is externatur.
 Denuò lætatur, se non agnoscit; & natum sibi filium gratulatur:
 sed intra paucas horas, quanto luctu, eundem amittit? Filius ipse
 infans, è sinu matris abripitur ad lanienam. Inde tamen liberatus,
 in Ducis filium adoptatur. Apud hunc, cum maximè floret, in-
 suspicione, & præsentissimum vitæ periculum venit. Currit ad
 necem, & inuenit Cæsar is filiam in vxorem. Quanta hæc est vi-
 ciñitudo? Hæc Dei via est, etiam de laqueo ducentis ad diadema...

IV.

De Corinþo dictum est: *Hec collibus attollitur, & vallibus*
deprimitur. Quod & de Roma potest affirmari, quæ septem colli-
 bus est celebrata. Quin & tota terra ita est constituta, ut nunc
 per plana, nunc per aspera; nunc per summa, nunc per ima du-
 cat; nunc prata, nunc flumina, immo tota maria euntibus
 obijciat. Hac inæqualitate vitæ humanæ varias vices & casus,
 viamque ad cælum tendentium, velut emblemate quodam, descri-
 psit Deus. Ita homines sursum feruntur & deorsum. Maritimi mo-
 res, sunt mortalium mores; semper fluctuant; semper alternant,
 Tollunt.

Tolluntur ita, vt Iam iam tacturos sidera summa putes. Dei ciuntur ita, vt Iam iam tacturos Tartara nigra putes. Hinc, in bello, Arcus fortium superatus est s̄epissime: & infirmi accincti sunt robore; quique paulo antē pugna superiores fuerunt, iam victi triumphantur; & in contrarium triumphant, qui fuere triumphati. Hinc repleti prius, ad vomitum ac satietatem, paulo post ad incitas redacti, tanquam mercenarij pauperissimi, pro panibus, se locauerunt: in contrarium autem, famelici saturati sunt. Et si de mulierum ærumnis, aut superbis est quæstio, s̄apē steriles, cum Sara, Anna Elcanæ, Elisabetha, peperit plurimos: & quæ multos habebat filios, quæq; de ijs superbè alias contempnit, tanquam Niobe aliqua, infirmata est, amissione omnium liberorum. *Quia Dominus mortificat, & viuiscitat: deducit ad inferos & reducit. Dominus pauperem facit & ditat: humiliat & subleuat. Suscitat de puluere egenum: & stercore eleuat pauperem;* ut sedeat cum principibus & solium gloriae teneat. Quod planè perspicuum fuit, in Henrico Comitis Palatinifilio. Usque adeò non in diuersis duntaxat, sed in eodem etiam homine hæc est diuersitas, vt acerba dulcibus temperentur, & dulcia amaris restringantur: quæ non meruit, qui acerba non gustauit. Nam per patientiæ ac Virtutis templum, ad templum, Honoris gloriæque transeundum etiam Ethnici censuerunt. Quorum est & illud: *Dij laboribus omnia vendunt. Nec quidquam pulchrum, nisi difficile. Recta igitur est via per laborum & aduersorum ambages.* Vincent. lib. 18. c. 54. Felix, qui Fasten pescem imitatur, in cuius ore maritima aqua salsa que mox fit dulcis. Nam bona indoles amara quæque sua dulcedine temperat, &, vt Plautus loquitur, *Optimum est arumne condimentum equus animus.*

Hac via Deus Noë deduxit, in arcæ carcerem eū includens, & lamentabile diluuiū tot cognatis, tot affinibus eius, & toti Mundi inducens, sed per contemptibile lignū iustum gubernans, ipso in quæ eum inclusit, carcere, & tantis fluctibus liberauit. Hac via profugū irrefratriſ iustum Iacob deduxit per vias rectas, & ostendit illi regnum Dei, Gen. 28. 5. & dedit illi scientiam sanctorū: honestauit illum in laboribus, & compleuit labores illius. In fraude circumuenientium illum affuit illi, & honestū fecit illum. Custodiuit illum ab inimicis, & a seductoribus tutauit illum, & certamen forte dedit illi, ut vinceret, & sciret, quoniam omnium potentior est sapientia. Nam Patriarcha iste iam primogeniturae privilegio auctus, iam odio fraternalis grauatus; iam benedictione patris.

Nn 2 patris.